

醫方類聚卷之二百四十一



小兒門 三

浴兒

聖惠方

初生浴兒法

莽草湯 三根湯

大全本草

保童秘要

御藥院方

目錄

類聚卷之二百四十一

降誕三口浴法

澹寮方

經驗良方

餘藥無名者散見本方

小兒門 三

聖惠方

初生浴兒法

浴新生兒方

猪膽 壹枚

右用煎湯在盆中取膽汁投於湯中適寒

溫以浴兒終身不患瘡切不得湯中入著

生水御藥院方此下○肘後方治小兒初

生猪膽壹枚以水七升煎取四升澄清浴

兒令永無瘡疥衛生易筋方同

治新生兒卒寒熱不能服藥宜用莽草湯浴方

莽草壹兩丹參壹兩蛇床子壹兩桂心壹兩菖蒲壹兩

右件藥剉碎以水五升煮壹二十沸去滓適寒溫以浴之避風

初沐浴良日

寅卯酉大吉 壬午婦人 丁巳癸巳

大凶

右宜以虎頭骨湯浴之令兒不驚辟除惡

氣付後方同

凡兒初生宜與三根湯浴方

羊桃根 李根 梅根各三兩

右件藥都剉以水壹斗煎取七升去滓下麝香末少許看冷熱浴兒避風

治小兒驚辟惡氣浴方

金十兩虎頭骨壹枚

右件藥以水壹斗煮至七升候冷暖得所

將用浴兒心安甚良

浴兒辟惡氣去瘡癩令兒不驚方

虎頭骨五兩 苦參二兩 白芷壹兩 猪膽一枚

右件藥除猪膽外剉碎以水一斗煎壹三十沸去滓入於盆中摘破猪膽投入湯內不得別添生水候冷熱得所浴兒甚佳

浴兒辟温惡氣療百病去皮膚沙粟方

桃根壹把 梅根壹把 李根壹把 細辛兩 蛇牀子壹兩

右件藥都剉以水二斗煎至一斗澄濾候

冷暖得所浴兒佳

治小兒壯熱浴方

李子葉切半升

右以水壹斗煎至七升去滓看冷暖得所浴之

又方白芷二兩 苦參三兩

右都剉以水一斗煎至七升去滓加少鹽及入少漿水浴之浴了以粉摩之即不異風又大引散諸風也

大全本草

簡要濟衆新生小兒浴法益母剉水壹斗煎
十沸溫浴兒不生瘡疥

食療云小兒初生虎骨煎湯浴其孩子長大
無病

保童秘要

初生三日服牛黃方

牛黃 壹大
豆許

右極細研以赤蜜如酸棗子大熟調用絲

蘸取令吮之一日令盡頻三日勿絕

初生六日服朱砂方

成練朱砂 壹大
豆許

右極細研以赤蜜如酸棗大熟調用絲蘸

取令吮之一日令盡頻三日勿絕 此二方
皆溫腸

胃壯血氣去
驚風辟邪惡

初生七日服米飲方

細研粟米煮粥飲厚薄如乳每日如半粟
子大喫滿七日助穀神以導達腸胃

出腹鵝口方

小兒出腹口角邊有黃色如鵝燕之喙或如米屑或迫鼻邊一重皮膜此由兒在胎中愛穀氣盛所為或處胎時母嗜惡飲食使然也

右宜以指纏亂髮以溫水掠之類三日勿絕如不愈濃煎栗子皮湯洗之

出腹舌下有膜方

小兒初生舌下有皮膜如石榴膜裏舌或

遮於舌根卽以指摘破令血出燒白礬灰細研以半棗豈許傅之如不摘去令兒患啞

初生口中有乳籜方

初生六七日或頰中舌上有白皮如蘆葦籜狀脹起者此中有青黃汁或淡血宜以布裹指刺破出却惡物燒白礬灰細研以半小豆大傅之如不可再刺以可爲度如齒斷及上嚙有亦並宜依此治之

初生口噤諸方

夫初生二七日日來著噤不吮乳多啼者此因客風中於臍循流至心脾二藏之間遂使舌強脣吻不收啣乳不得此疾大抵以去客風為要宜先灸承漿穴十四壯穴在下脣稜下宛宛中是也艾炷如半小麥大灸頰車穴七壯穴在耳下曲頰骨後宛宛中

又方桂心

獨活

麻黃

去節

藥芍

大黃

防風 細辛

已上各壹銖

右以酒二合水二合半煎取二合去滓每度可滴一粟殼許入口中

又方蜈蚣半枚

炙去頭足細研

右以猪乳三栗子大同研之漸漸與滴口中可兩日盡之

著噤身熱方

竹瀝

半合紫雪

壹大

右相和研每七日兒壹日壹服只可壹小

栗子大不可多與喫三日勿絕
初生著風體冷諸方

小兒初生或五日或十日身冷肉硬或手
脚痲急者此由收兒之時着風冷拍著致
使然也宜先用後方

桂心壹通草壹麻黃半分豉七

右以水二大合煎取半合已來數數滴口
中

又方濃煎椒桂湯以絛撲拭冷處

又方收椒桂末鋪絛上用裏冷處如口噤不
喫乳者卽爲難救也

初生浴湯諸方

猪膽壹枚

右以水七升煎取四升澄清浴之永無瘡
疥又隔三日宜用後方

黃連壹兩拍碎麝香二杏仁二杏午黃二杏桃奴壹枚

不落者是也

右以清水六升煎取三升去滓以浴之大

去不祥

三日後至滿月已來浴方

桃李梅等根 各壹把
洗去上

右以清水六升煎取三升去滓入麝香少許浴之此法每五日一浴滿月即止

初生服猪乳方

猪乳 壹粟
穀許 牛黃 二米
粒大

右細研一日内漸漸滴兒口中此法甚佳又妙於朱蠶能制口噤去驚邪

初生至三七日已來洗腸方

柴胡 升麻 甘草 黃芩 已上各
參銖

右以水三合煎取一合去滓一日與二粟子大服之

七日後驚熱方

芎藭 茯苓 各二分 生甘草 大黃 各壹分

右四味以水四合煎半合分為三服若熱多即加黃芩二分

驚啼壯熱不能食乳方

吊藤 芍藥 柴胡 龍膽 山梔子

茯苓 防風 已上各等分

右細剉以水三合煎取壹合時時溫灌之如熱甚者加山梔子驚多者加茯苓專不契乳者加棗子壹枚

撮口方

烏驢乳 三合 東引槐枝 十條各三寸

右先以槐枝將壹頭於煆灰火中煨留一頭待津出即取出淨拭却灰却於乳中攪

須叟將槐枝滴乳於孩子口中便定

吮乳諸方

半夏 洗了秤取中兩曬乾

右為末鍊蜜為丸如梧子大每服二丸以

溫水化破一歲兒壹日兩服

又方人參 參生薑二分

右以水五大合煎取二合去滓壹歲兒一

日與服盡

又方肉豆蔻仁 壹分 大黃 一分

右以清水四大合煎取壹大合半去滓壹
歲兒壹日與服盡

又方大黃 朴消各等分

右爲末鍊蜜爲丸如梧子大壹歲兒壹服
三丸以溫水研服之晚再服

乳不化方

草薺仁半 朴消四分 蜀椒一百粒 黃連 人

參各三分

右爲末鍊蜜爲丸如梧子大每壹歲兒壹

服五丸

百日已來結實壯熱急驚諸方

大青二銖 枳殼壹片 甘草壹銖 龍齒 朴消

各三銖

右以水三大合煎取半合分三服

又方犀角二銖 升麻三銖 大黃壹銖 石膏叁分

右以水一升二合煎取三大合去滓分三
服

又方寒水石五分 碎 黃芩壹分 恒山壹分 子人黃壹分

右以水一升二合煎取四大合去滓分四服

御藥院方

降誕三日浴法

桃根 李根

梅根

各二兩

右三味以水八升煎二十沸去滓浴之去不祥令身無瘡癩一方煎成去滓入麝香末少許

澹寮方

薏苡浴兒右以薏苡葉煎湯浴初生嬰兒壹

生少病暑月可作熱水暖胃益氣血

續碎錄

經驗良方

浴兒法調和溫水得中若冷若熱令兒驚卽戍疾並不可久浴凡浴時當護兒項風池及脊背緣風邪自此而入能令傷寒風癩咳嗽之疾宜慎戒之

卷之三
十一

目錄

臍病

千金方

白石脂散

千金翼方

聖惠方

治小兒臍風諸方

雄鼠糞散

治小兒臍腫濕久不差諸方

封臍散 鹽鼓麩

治小兒臍瘡諸方

是齋醫方

簡易方

直指小兒方

臍病證治

安臍散 安臍散

朱氏集驗方

臍病

五靈圓

保童秘要

臍病

得效方

臍風

天麻圓

立聖散

麝香散

小驚圓

大驚圓

安臍散

御藥院方

天漿子散

肘後方

澹寮方

大連翹飲子

壽域神方

衛生易簡方

備預百要方

餘藥無名者散見本方

臍病

千金方

治小兒臍中生瘡方
桑汁傅乳上使兒飲之
又方飲殺羊乳及血

治小兒風臍遂作惡瘡歷年不瘥方
取東壁土傅之大作肘後方同聖惠方細研傅之若汁不止

燒蒼耳子粉之

又方乾螻蛄蟲末粉之
不過三四度瘥
治小兒臍不合方
火車轄脂燒灰日壹傅之

類聚 卷五 十一

又方燒蜂房聖惠方灰為末傅之○肘後方

治小兒臍風濕腫久不差燒露蜂房末傅

之

治小兒臍中生瘡方燒甌帶灰和膏傅之聖惠

同方

治小兒臍赤腫方

杏仁半兩○聖惠方保童秘猪頰車髓十八

銖○聖惠方半兩秘要半兩

右二味先研杏仁如脂和髓傅臍中腫上

白石脂散治小兒臍汁出不止兼赤腫方以

白石脂聖惠方細研熬令微暖以粉臍瘡

日三四度肘後方○食醫心鑑右以白石脂

末四錢乾傅臍中保童秘要每日旋

千金翼方

治小兒臍瘡方

燒甌帶灰傅之愈

聖惠方

治小兒臍風諸方

夫小兒臍風者由斷臍後為水濕所傷或尿在襁褓之內乳母不覺濕氣傷於臍中亦因其解脫風冷所乘遂令兒四肢不利臍腫多啼不能乳哺若不急療遂致危殆者也

治小兒初生至七日已來臍風腫欲落封臍

雄鼠糞散方

雄鼠糞 七枚 微炒 胡粉 半兩 大棗 三分 去核 麝香 壹錢 細研

錦帛灰 壹錢

右件藥搗研為散看臍欲落不落即用藥

以傅之所以不令風入故也

治孩子纔生下斷臍了便傅此散免一臘

內臍風撮口方

雀兒飯糞子 三枚 亂髮 雞子大燒令煙 欲斷不斷即堪 蜈蚣

壹寸許 羚羊角 燒灰 壹錢 麝香 壹小

右件藥相和細研令勻割臍了便用傅之

効

治小兒臍風汁出不止方○和劑局方藥黑

散

治小兒斷臍後為水濕所傷或襁袍濕氣傷於臍中或解脫風冷乘攻令小兒四肢不和臍腫啼哭不能乳哺宜速治之

黃蘗末

釜下黑煤

亂髮

燒灰已上各壹分○和劑

局方淨洗燒為灰

右件藥同研令細少少傅之

小兒藥證直訣同

治小兒臍風濕腫久不差方右川當歸末傅

之效

用後方同

又方右以瓜蒂燒灰研傅之良

治小兒臍腫濕久不差諸方

夫小兒臍濕者亦由斷臍之後洗浴傷於濕氣水入臍中致令腫濕經久不乾也凡斷臍後便多著熟艾厚裹不得令兒尿濕著臍切須慎之往往中濕致腫至百日已後不可差也

治小兒臍腫濕久不差封臍散方

胡粉

壹分雄鼠糞七枚燒為灰

甌帶

壹圍燒為灰

乾薑

灰

半分錦帛灰

半分白石脂

半分

右件藥相和細研加麝香末壹錢看臍欲
落不落卽封臍便差如未患傅之卽終不
患燒藥時不得令有別灰也

治小兒臍腫汁出久不差方

甘草三分 蠮螋三分
判 外用

右件藥搗細羅爲散以傅臍中

治小兒生來臍內有汁出經久不差方右燒

緋帛灰研傅臍中

治小兒臍濕腫逾月不止方

乾蝦蟆一分 白礬一分 皂莢子壹分
燒灰 燒灰 燒灰

右件藥細研令勻少少傅臍中

治小兒臍中赤腫汁出不止方

蝦蟆壹枚 牡蠣壹枚

右件藥並燒爲灰細研如粉每取少許傅

臍中日三兩上卽差

治小兒臍濕不乾方

白礬一分 龍骨壹分

右件藥細研傅臍中取差爲度○醫方大

成

治小兒臍瘡不乾白礬煨研各右

為末每用少許傅之又有用繇子燒灰亦

可醫方集成南北經驗方袖珍方永壽類方壽域神方衛生易簡方同

治小兒臍濕保童秘要鹽鼓炭方雙少

搥工兩○秘要中合鼓二合

右二味爛搗担作餅子如錢許大安新瓦

上炙令熱用熨臍上差亦用黃蘗末貼之

妙秘要右相和爛搗如泥作餅子可臍大

小燒新瓦令熱燂餅子熨之冷即易日可

十度熨了摩黃蘗末備預百要方和作餅子安新瓦上置臍上

後令熱氣入後藥未付之

治小兒臍中汁出不止兼赤腫立効方右以

白礬燒灰細研傅之肘後方衛生易簡方同

又方右以蝦蟆燒灰細研傅之

治小兒臍瘡諸方

夫小兒臍瘡者由初生斷臍洗浴不淨拭燥

濕氣在臍中因解脫過風風濕相搏故臍瘡

本草綱目

卷之二十一

久不差也臍瘡不差風氣入傷經脉則變為癩也

治小兒臍瘡方 保童秘要臍瘡着風汁出

黃蘗壹兩 釜底黑煤三分 ○秘要 亂髮灰一分

○秘要 少許

右件藥先搗黃蘗為末入二味合研令勻

以傅臍中 秘要少少摩之

治小兒臍瘡久不差方 保童秘要臍瘡汁逾月不止

乾蝦蟆一兩 燒灰 ○ 白礬壹分 燒灰

右件藥合研令細以傅臍中

又方黃連半兩 胡粉半兩

右件藥合研令細以傅臍中

又方右以馬齒莧曝乾為末傅之 肘後方備預百要方

同

又方右以竜骨燒細研為末傅之 肘後方衛生易簡方

同

又方右以蝦蟆壹枚燒灰細研傅之 肘後方為灰傅

之日三四佳

又方右以香豉炒令焦擣羅爲末傅之
又方右以伏龍肝細研傅之肘後方備預
百要方同
是齋醫方

治小兒臍濕將爛不早治卽成臍風沉仁父
右當歸爲細末乾摻經驗良
方同

簡易方

治小兒劑風獨頭蒜切片安劑上以艾灸口
中有蒜氣卽止立效
直指小兒方

臍病證治

安臍散小兒斷臍後便傅之

赤蜈蚣一寸 羚羊角一寸 亂髮壹團燒令
烟欲斷不
斷各麝少
存性 雀甕三枚

右爲末斷臍後便傅之

傳臍方

瓜蒂 南星 白欬 赤小豆等分

右爲末每三錢用苞蕉自然汁調傅四邊
臍風鑱口方

金頭蜈蚣等蝎梢五直僵蠶七瞿麥半

右為末每壹字吹入鼻內啼則可醫仍用薄荷湯調壹字服

安臍散治臍中汁出或赤腫

白石脂末焙出火氣傅之日三度或油髮

灰傅或當歸末傅

臍瘡當歸末傅蝦蟇灰傅亦好

朱氏集驗方

臍病

治小兒臍血出方小兒初生未滿月多啼叫

致臍中血出白石脂末貼之即愈末愈微微

炒過放冷再貼仍不得剝揭

治小兒臍久不乾方當歸焙為末著臍中頻

又用自差有壹小兒臍病出膿及清水者

一傅乾後因尿入滄復病又得傅愈

五靈圓治臍風

南星五靈脂壹草烏為末

亦有別藥磨汁調貼之

保童秘要

疳積病 疳積疔 疳積丸

疳腫諸方

宜炙桂心令熱熨之日可四五數

又方蜀椒

合搗合一

右以水拌溫炒令熱分作兩裹時熨臍中

又方三兩度

又方大黃

又方大黃

仁橘皮

枳殼

芍藥

右為散搗和為丸如梧子大每服壹丸以

溫水化破下

又方嚼搥塗之即易

臍汁逾月不止諸方

牛糞灰

黃丹

各等分

右細研每日傳臍中

臍腫并汁不止方

燒絳帛作灰傅之良

臍著風汁出諸方

甘草

壹分

當歸

黃丹

各半分

右爲散撲臍中日可三遍

得效方

臍風

天麻圓治因斷臍後爲水濕風冷所乘入於臍流於心脾遂令肚脹臍腫身體重著四肢柔直日夜多啼不能吮乳甚則發爲風搐此藥利驚下痰凡釣腸鎖肚撮口皆可用

南星炮二錢 白附子炮 牙硝 天麻 五靈脂焙各一錢 輕粉半錢 巴霜壹字

右爲末稀糊圓麻子大每服壹圓薄苛蕞錢泡湯送下若臍邊青黑及爪甲黑者不治

立聖散治同上

蜈蚣壹條酒浸去糞多 瞿麥半錢 蝎梢五箇去毒 直僵蠶七介去絲

右爲末每一字吹入鼻啼則可醫仍服薄苛調壹字服

麝香散

赤脚蜈蚣半條 麝香許少 川烏尖三箇
右為末每服半字金銀器湯調下

治臍腫先川荆芥水洗了葱葉一皮火上炙
過地上出火毒以手指甲刮薄內搭放腫處
次日便消用通心飲

小驚圓大驚圓方見驚癇

安臍散治臍中汁出或赤腫舉痛或因水與
乳入臍所致右當歸為末傅蝦蟇燒灰白
石脂木油髮灰傅皆可

御藥院方

天漿子散治小兒初降誕斷臍了便傅此散
免一臘內疾

天漿子叁枚 亂髮燒灰存性半錢 蜈蚣二寸 羚羊角燒灰
麝香豆大一錢

右五味研令極細纔斷了臍便用少許傅
之

肘後方

治臍風倉歷年不差燒甌帶灰傅之衛生易簡方同

姚和衆方治小兒臍腫吳氏集驗方取桂心

臍傷水腫 吳氏集驗方桂 灸令熱熨之日可四五度

澹寮方

治小兒初生未滿月多啼哭致使臍中血出
右以白石脂為細末貼臍中當即愈如未
愈微微炒過放冷再貼仍不得揭剝

治小兒臍中出膿及清水久濕不乾良方用
當歸為細末頻頻摻傅即安謂有小兒臍
濕五十餘日用此壹傅而乾後因尿入瘡

復病又一傅而愈

又一方謂臍濕而腫者可用枯過白糝末坯
子同傅然恐小兒肉嫩用糝則痛痛則啼
哭而又努力迸損也莫若代以烏賊魚骨
為妙

又臍瘡腫濕久則成癩

黃連乙龍骨乙煨乙亂髮乙燒乙胡粉乙別研各

在為末傅臍中油調亦可

滇山方大連翹飲子治兒胸堂有熱臍突腫

赤及解利心與小腸經一切邪熱

連翹木瞿麥穗 滑石 車前子 牛旁

子炒赤芍藥各乙山梔仁 木通 當歸

防風各半黃芩乙兩柴胡 甘草各兩

芥穗乙兩蟬退去大脚

右咬咀每壹大錢服水煎 風痰熱或變

蒸癰疹熱加麥門冬煎 瘡疹熱加紫草

常歸丹熱實熱項顛瘡癰作熱加大黃燈

心煎本方真珠天麻元刺其脹弔釐結之

証

壽域神方

一方用竈心土傅之妙

一方用黃栢皮擣末傅之妙衛生易簡方同

治臍風用公驢前膊十字毛煎下燒灰存性

為末以酒或乳調服

一方用糊孫糞燒灰為末乳調服妙

治臍風瘡用常歸末傅之妙備預百要方同

衛生易簡方

治小兒臍赤腫用杏仁杵爛傅臍腫上
又方用飛凡爲末貼之
備預百要方
小兒臍瘡燒甌帶和猪脂付
又方人屎燒和胡粉付

變蒸

論

目錄

千金方

紫圓 黑散

聖惠方

治小兒變蒸諸方

柴胡散

直指小兒方

變蒸證治

當歸散 調氣散

管見大全良方

保幼須知

木瓜圓 延胡索散

得效方

變蒸

惺惺散 人參散

肘後方

黑散 紫丸

醫方大成

變蒸發熱

惺惺散

衛生易簡方

變蒸發熱

餘藥無名者散見本方

巢氏病源

變蒸候

小兒變蒸者以長血氣也變者上氣蒸者體熱變蒸有輕重其輕者體熱而微驚耳冷體亦冷上唇頭白泡起如死魚目珠子微汗出而近者五日而歇遠者八九日乃歇其重者體壯熱而脈亂或汗或不汗不欲食食輒吐兒無所苦也變蒸之時目白睛微赤黑睛微白亦無所苦蒸畢自明了矣先變五日後蒸

五日爲十日之中熱乃除變蒸之時不欲驚動勿令傍邊多人變蒸或早或晚依時如法者少也初變之時或熱甚者違日數不歇審計日數必是變蒸服黑散發汗熱不止者服紫雙丸小瘥便止勿復服之其變蒸之時遇寒加之則寒熱交爭腹痛夭矯啼不止者熨之則愈變蒸與溫壯傷寒相似若非變蒸身熱耳熱體亦熱此乃爲他病可爲餘治審是變蒸不得爲餘治其變日數從初生至三十

二日一變六十四日再變變且蒸九十六日
三變變者丹孔出而泄也至一百二十八日
四變變且蒸一百六十日五變壹百九十二
日六變變且蒸二百二十四日七變二百五
十六日八變變且蒸二百八十八日九變三
百二十日十變變且蒸積三百三十日小蒸
畢後六十四日大蒸後百二十八日復蒸積
五百七十六日大小蒸畢也
千金方二十二日一變六十四日六蒸
千金方二十二日一變六十四日六蒸

凡兒生三十二日一變云云六十四日大蒸
詳見巢氏病源蒸後六十四日復大蒸蒸後一百二
十八日復大蒸凡小兒自生三十二日一變
再變爲一蒸凡十變而五小蒸又三大蒸積
五百七十六日大小蒸都畢乃成人小兒所
以變蒸者是榮其血脉改其五臟故一變竟
輒覺情態有異其變蒸之候變者上氣蒸者
體熱變蒸有輕重其輕者體熱而微驚耳冷
尻冷上唇頭白泡起如魚目珠子微汗出其

重者體壯熱而脈亂或汗或不汗不欲食食
輒吐視目白精微赤黑精微白又云目白者
重赤黑者微變蒸畢自精明矣此其證也單
變小微兼蒸小劇凡蒸平者五日而衰遠者
十日而衰先期五日後之五日爲十日之中
熱乃除耳兒生三十二日一變二十九日先
期而熱便治之如法至三十六七日蒸乃畢
耳恐不解了故重說之且變蒸之時不欲驚
動勿令傍多人兒變蒸或早或晚不如法者

多又初變之時或熱甚者違日數不歇審計
變蒸之日當其時有熱微驚慎不可治及灸
刺但和視之若良久熱不可已少與紫丸微
下熱歇便止若於變蒸之中加以時行溫病
或非變蒸時而得時行者其診皆相似惟耳
及尻通熱口上無白泡耳當先服黑散以發
其汗汗出溫粉粉之熱當歇便就瘥若猶不
都除乃與紫丸下之兒變蒸時若有寒加之
卽寒熱交爭腹腰天乳啼不止者熨之則愈

也熨法出總論灸粉紫熨者是變蒸與溫壯傷寒相似若
非變蒸身熱耳熱尻亦熱此乃爲他病可作
餘治審是變蒸不得爲餘治也

又一法凡兒生三十二日始變變者身熱也
至六十四日再變變旦蒸其狀卧端正也至
九十六日三變定者候丹孔出而泄至一百
二十八日四變變旦蒸以能咳笑也至一百
六十日五變以成機關也至一百九十二日
六變變旦蒸五機成也至二百二十四日七

變以能匍匐也至二百五十六日八變變且
蒸以知欲學語也至二百八十八日九變以
亭亭然也凡小兒生至二百八十八日九變
四蒸也當其蒸之日慎不可妄治之則加其
疾變且蒸者是兒送迎月也蒸者甚熱而脈
亂汗出是也近者五日歇遠者八九日歇也
當是蒸上不可灸刺妄治之也

和劑指南

論小兒變蒸

變蒸作熱或汗出咳嗽或吐逆不欲食或眼
睛上視上唇有白珠子起乃變蒸候也不可
作傷寒治之但與四君子湯參苓白朮散之
類或熱盛可與紫霜圓少許切不可多服
小兒藥證直訣

變蒸

小兒在母腹中乃生骨氣五臟六腑成而未
具全自生之後卽長骨脈五臟六腑之神智
也變者易也巢氏病源云又生變蒸者自內

而長自下而上又身熱故以生之日後三十
二日一變變每畢卽情性有異於前何者長
生腑臟智意故也何謂三十二日長骨添精
神人有三百六十五骨除手足中四十五碎
骨外有三百二十數自生下骨一日十段而
上之十日百段三十二日計三百二十段爲
一遍亦曰一蒸骨之餘氣自腦分入髓中作
三十二齒而齒牙有不及三十二數者由變
不足其常也或二十八日卽至長二十八齒

已下倣此但不過三十二之數也凡一周變
乃發虛熱諸病如是十周則小蒸畢也計三
百二十日生骨氣乃全而未壯也故初三卜
二日一變生腎志六十四日再變生膀胱其
發耳與髀冷腎與膀胱俱主於水水數一故
先變生之九十六日三變生心喜一百二十
八日四變生小腸其發汗出而微驚心爲火
火數二一百六十日五變生肝哭一本作一
呼字
百九十二日六變生膽其發目不閉又一本
作開

而赤肝主木木數三二百二十四日七變生
肺聲二百五十六日八變生大腸其發膚熱
而汗或不汗肺者金金數四二百八十八日
九變生脾智三百二十日十變生胃其發不
食腸痛而吐乳此後乃齒生能言知喜怒故
云始全也太倉云氣入四肢長碎骨於十變
後六十四日長其經脉手足手受血故能持
物足受血能行立經云變且蒸謂蒸畢而足
一歲之日也師曰不汗而熱者發其汗大吐

者微止豈本不可別治是以小兒須變蒸蛻

齒者如花之易苗所謂不及三十二齒由變

之不及齒當與變日相合也年壯而視齒方

明視當作蛻
明當作周

直指小兒方

變蒸方論

變蒸者陰陽水火蒸於血氣而使形體成就
是五臟之變氣而七情之所由生也三十二
日一變其後三大蒸總五百七十有六日變

者上氣蒸者體熱每經一變情態即異輕則發熱微汗其狀似驚重則壯熱脉亂而數或吐或汗或煩啼燥渴輕者五日解重者七八日解其候與傷寒相若亦有變蒸之餘續感寒邪者但變蒸則耳冷骭冷上唇發泡狀如濁珠若寒邪搏之則寒熱交爭腹中作痛而啼叫之聲日夜不絕變者易也蒸於肝則目昏微赤蒸於肺則噎嗽毛聳凡五臟六腑筋脉骨節皆循環一匝各有證應其陰陽水火


之變歟治法和平之劑微表熱實者微刺之或不治亦自愈

永類鈐方

論變蒸

始得之一日至七日上唇中心必有白珠泡子如魚目者為變蒸目白睛微赤輕則身熱微驚耳與尻冷微有汗重則壯熱或汗或不汗脉亂不食或嘔噦黑

變



生五藏
主其裏

睛若微白則變已畢若身有熱耳尻皆熱則為他證矣審之

上唇微腫如臥蠶身作壯頭額

熱或乍涼乍熱唇口鼻乾

硬氣吐逆脉亂汗出或不汗不

食時欲驚夜啼始得至十三日

變訖無所苦也不必用藥為老

成

唇口乾燥咳嗽悶亂硬氣腹痛



生六府
主其表

食時欲驚夜啼始得至十三日



主其
表裏

顛門

夫變蒸者以長氣血也變者上氣蒸者體熱

變蒸有輕重巢氏云先變五日後蒸五日為

十日之中熱乃除古法以黑散子紫元子主

之亦有不驚不熱或無証候暗變者多矣蓋

受胎壯實故也自生之後三十二日為一變

傅肝六十四日二變傅脾九十六日三變傅

心一百二十八日四變傳小腸一百六十日
五變傳脾壹百九十二日六變傳胃二百二
十四日七變傳肺二百五十六日八變傳大
腸二百八十八日九變傳腎三百二十日十
變傳膀胱積三百二十日小變蒸畢每變蒸
之後覺情性異常後又六十四日大蒸後更
壹百二十八日復蒸積五百七十六日大小
蒸畢始乃成人血脉骨肉皆堅牢也錢氏以
自腎起變者非也鄭端反全嬰集詳見

徐氏胎產方

蓋小兒初生骨骼未成筋骨未就藏腑未充
精神未全氣血虛浮肌膚軟脆資乳以養積
漸增長故有變蒸之候三十二日爲一變變
者變其形容再變爲一蒸蒸者蒸長肌肉十
變而五小蒸又四大蒸積五百七十六日大
小蒸俱畢乃得成人故當變蒸之時輕者體
熱而微驚耳冷尻冷上唇頭有白泡起如魚
目珠子微汗時出其重者體壯熱而脉亂或

汗或不汗不欲乳食食輒吐現目白微赤黑睛微白變蒸畢則目明矣此乃氣血周流肌膚充溢所致謹無他治但少與紫圓微下其熱即退若二次下後身有熱而熱尻熱乃爲他病宜別治焉

玉機微義

論變蒸身熱

全嬰方論曰夫變蒸者以長氣血也變者上氣蒸者體熱變蒸有輕重輕者體熱虛驚耳

冷微汗唇中白泡狀如珠子重者寒熱脈亂腹疼啼叫不能乳食輒吐現其輕者三日重者五日古法以黑散子紫丸子主之其有不熱不驚或無證候暗變者多矣蓋受胎氣壯實故也

按本論註云嘗考錢氏與寶鑑論變蒸互說差殊錢氏云一變腎二變膀胱三變心四變小腸五變肝六變膽七變肺八變大腸九變脾十變胃故稱水數一先變也寶

鑑云初變肝二變肺三變心四變脾五變
腎二者所論皆五行顛倒相生者却逢相
剋相剋者又逢相生大抵陰陽造化相生
者順相剋者逆變蒸者是長養血氣滋榮
五臟相生之法此理昭然相生者有母子
之道相剋者有夫婦之義相生所以相繼
相剋所以相治原夫胎者得水火既濟陰
陽造化五行相治而成形故始於腎氣之
初生也小兒變蒸者當陰陽升降從五臟

相繼而成人故胎於肝之初變也雖二說
互有所長大抵小兒所稟胎氣壯怯不同
况所變之証不壹古方用已上二藥非本
病通變法也故不錄

金匱鈎玄

小兒變蒸者是胎毒散也不可妄投湯劑
小兒驀然無忽大叫作聲者必死是火大發
上虛其氣故也
千金方

紫圓得效方名治小兒變蒸發熱不解并挾

承類鈴方夾食傷寒溫壯汗後熱不歇及腹中有痰

癖哺乳不進乳則止兒食癩先寒後熱方○

聖惠方治小兒變蒸內身體壯熱經時不解

心腹煩滿紫雙丸方

赤石脂 代赭各壹兩○聖惠方研如巴粉得效方醋淬七遍

豆三十枚千金翼方諸方去皮心出油三因方得效方去壓油徐氏胎產方去殼

用厚紙槌去油鈞杏仁五十枚○翼方諸方三五粒去油

方云或加青蒙石二錢仲別為末入和

右四味為末巴豆杏仁別研為膏相和更

擣二千杵三因方簡易方當自相得若硬

入少蜜同搗之密器中收三十日兒服如

麻子壹丸與少乳汁令下食頃後與少乳

勿令多至日中當小下熱除若未全除明

且更與一九百日兒服如小豆一九聖惠方每

服二以此準量增減夏月多熱喜令發疹

二三十日輒壹服佳紫圓無所不療雖下

不虛人○聖惠方又云代赭須真者若不

真者以左顧牡蠣代之得效方右以二石
爲末別研巴豆杏仁爲膏相和更擣一二
千杵當自相得若硬入少蜜同杵之圓如
粟米大用密器收每服二圓與少乳汁令
下食頃後與少乳勿令多至日中當小利
熱除若未全除明日更與二粒百日兒服
五粒以此准定增減此藥兼治驚積痰癖
食癩溫壯諸疾無所不治雖下亦不虛人
鈴方右爲末爛飯杵元小豆大壹歲二元

空心米湯下令小利卽差直指方疎利積

氣實熱代赭壹兩燒醋淬以裂爲度赤石脂七錢巴豆

二十枚去心去油杏仁五枚右代赭赤石

脂先擣末和杏仁巴豆擣三千杵若硬加

蜜少許更擣圓如粟米大用密器收每服

二圓以乳汁送下如更有熱不泄明日再

與二圓此藥兼治驚積痰癖食癩溫壯諸

疾

黑散治小兒變蒸中挾時行溫病或非變蒸

時而得時行者方

麻黃千金翼方去節杏仁各半兩○翼方去皮尖熬大黃六銖

右三味先搗麻黃大黃為散別研杏仁如

脂乃細細內散又搗令調和內密器中壹

月兒服小豆大一枚以乳汁和服抱令得

汗汗出溫粉粉之勿使見風百日兒服如

棗核以兒大小量之○聖惠方治小兒變

蒸壯熱黑散子方永類鈐方云亦治傷風發熱麻黃半兩

卡根一分到川大黃同剉炒令黑色杏仁半兩湯浸去皮

尖雙右件藥並炒令黑都研令細每服以

溫水調下半錢服了且令暖抱兒令汗出

良久以粉粉之勿使見風更量兒大小加

減服之神巧萬全方同鈐方右為末一歲兒半錢熟水調下暖處良久微汗

差又略燒存性再入杏仁研膏嬰兒言豆豉乳汁和咽麻黃不去節直指小

兒方解利熱氣麻黃一兩不大黃半兩杏仁

去皮右件同壹處搗和並略燒存性再以

杏仁少許研膏和之密器盛每服壹豆豉

乳汁和咽之醫方大成治小兒變蒸與傷

寒相似者當詳其證若上唇中心有白點
 子者為變蒸宜服此藥麻黃節大黃杏仁
 和皮各壹分右煇存性為末每服壹字水半盞
 煎服抱兒於溫暖處連進之有微汗身涼
 仰瘡方集成南北經驗方
 袖珍方衛生易簡方同

治小兒變蒸諸方

凡小兒生三十二日為一變六十四日再變
 兼蒸九十六日三變一百二十八日四變又

蒸一百六十四日五變一百九十二日六變又
 蒸二百二十四日七變二百五十六日八變
 又蒸二百八十八日九變三百二十日十變
 又蒸此小變蒸畢也後六十四日大蒸蒸後
 六十四日又壹大蒸蒸後壹百二十八日又一
 大蒸此三大蒸都畢凡五百七十六日乃成
 人血脈骨木皆堅牢也所以變蒸者皆是榮
 其血脈收其五藏故一變畢輒覺性情忽有
 異也其變蒸之候令身熱脈亂汗出目睛不

明微欲驚不乳哺上唇頭起白珠子耳尻並
 冷其候也當變小劇先期四五日便發後
 劇三四日方歇卒蒸五日遠至七日九日當
 變蒸之時慎不可療及灸刺但和視之若良
 久熱不已即微與紫雙丸熱歇便止若於變
 蒸中加以天行溫疫病或非變蒸而得天行
 者其候皆似唯耳及尻通熱口上無白見爾
 當先服黑散子以發其汗汗出溫粉粉之熱
 當歇便就差若猶不都除乃與紫雙丸下之

治小兒變蒸經時不止挾熱心煩啼叫無歇
 骨熱面黃柴胡散方

柴胡

壹兩去苗

龍膽

半兩去蘆頭

麥門冬

壹兩半去心焙

甘草

壹兩

草

壹兩去苗

人參

一兩去蘆頭

玄參

一兩

右件藥擣羅為散每服壹錢以水盪小盞

煎至五分去滓不計時候溫服量兒大小

加減服之○直指方治變蒸骨熱心煩啼

叫不已人參甘草

微

麥門冬

各二錢

柴胡

各二錢

膽草防風

各壹錢

右剉散每服叁字煎服

類

鈞方

直指小兒方

變蒸證治

當歸散治變蒸有寒無熱

當歸 二錢○永類鈞方壹錢

木香

官桂

粹者 甘草

人參 各壹錢

右判散每服一錢薑棗煎食前服○得效

方右判散每壹錢水壹盞薑三片紅棗壹

枚煎食前服

調氣散治變蒸吐瀉不乳多啼

木香 香附

得效方炒去毛

厚朴 製○得效方去麤皮

人參

橘皮 藿香

得效方去土

甘草

各壹錢

右為末每服叁字薑棗煎服○得效方右

判散每服三字水壹盞生薑二片紅棗壹

枚煎溫服以上訂狀治之但當以平和之

劑微表熱實者微利之或不治亦當自愈

管見大全良方

保幼須知

夫嬰孩在胎十月滿足百神備而生凡生下
 三十二日為一變六十四日為壹蒸三百二
 十日乃十變蒸滿足餘有六十日長其經脈
 手足受血故能持物而立經云變且蒸謂蒸
 畢而足一歲之日也所謂變者變其情性生
 其五藏蒸者蒸血肉之堅矣而五藏具焉設
 有疾病當察在色脈而青肝病面赤心病面
 黃脾病面青肺病面黑腎病也
 木瓜圓療兒初生下口中穢惡不盡婦人大
全良方

入中 卽宜便吐纔啼聲壹發則又嚙下因生
 異疾

木瓜 麝香研 膩粉研 木香 檳榔各一

右為細末水煮麪糊圓如粟米大良方小
黃黍米
 大每服一二圓無時候煎甘草湯下

延胡索散療兒初生下盤腸刺痛面色青啼
 哭不止

延胡索壹錢 乳香研 木香各半

右為細末水七分盞煎至五分婦人大全
良方水

大錢煎 無時服少許

得效方

變蒸

惺惺散治變蒸變者上氣蒸者體熱輕則發熱微汗其狀似驚重則壯熱脉亂而數或吐或汗或煩啼燥渴輕者五日解重者七八日解其候與傷寒相似亦有續感寒邪者但變蒸則耳冷眦冷上唇頭白泡如魚目珠若寒邪搏之則寒熱交爭腹痛啼叫不已每服一

錢麥湯調下熱其麥門冬薄芎藭湯下方見傷寒

門

人參散治變蒸骨熱心煩啼叫

人參 甘草 麥門冬去心 北柴胡各貳錢 龍

膽草 防風各一錢

右剉散每服三字水壹盞煎服

肘後方

凡小兒自生三十二日一變畢變為一蒸凡十變五小蒸又有三大蒸凡五百六十七日

變蒸畢乃成人其變蒸之候身熱脉亂汗出
數驚不乳哺上唇頭小白丸起如珠子耳冷
尻冷此其證也

單變小微兼蒸小劇平蒸五日或七日九日
慎不可療若或大熱不已則與少紫丸微下
若於變蒸中加以時行溫病其證相似唯耳
及尻通熱口上無白丸耳當先服黑散發汗
汗出以粉傅之差若不盡除卽以紫丸下之
黑散方麻黃二兩大黃一兩並搗爲散杏仁

二分熬別研如脂乃內散同搗令調和密
貯器中勿令見風一月兒服如小豆一枚
乳汁和咽之抱令得汗勿使見風百日兒
服如棗核量大小與之佳

紫丸方代赭赤石脂各一兩先擣細篩巴豆
四十枚去心皮熬杏仁五十枚去皮令碎
研如脂合三物擣三千杵自相著若硬加
少蜜更擣密器中貯三十日兒服如麻子
一丸與少乳汁令下良久復與少乳勿令

多宜至日中當小下熱若不盡明旦更服
壹九百日兒如小豆大大小以此加減若
小兒夏月多熱往往發疾此丸無所不治
三二十日與壹服殊佳如真代赭不可求
用左顧牡蠣代之

醫方大成

變蒸發熱

湯氏方惺惺散治小兒變蒸發熱或咳痰
涎鼻塞聲重

人參

去蘆半兩○衛生易簡方二錢

白朮

白茯苓

片

草

白芍藥

天花粉

桔梗

去蘆各半兩○易簡

方各

二錢

細辛一分去葉只用根

右爲末每服壹錢水半盞姜壹片薄荷壹

葉煎服

醫方集成南北經方同

○永類鈴方右

爲末壹錢服水盞姜壹片薄荷壹葉煎服

或除天花粉加川芎或加粉葛升麻柴胡

等分

衛生易簡方

變蒸發熱

治小兒發熱用郁李仁根煎湯浴洗

又方用苦參煎湯浴洗

又方用白芷煮湯浴之避風

治小兒熱渴不止用葛根半兩水壹盞煎六

分去滓温服

治小兒五心煩熱渴欲飲水者用黑豆水煮
熟與食之并飲汁即愈

口舌 附唇

目錄

論

千金方

千金翼方

海上仙方

聖惠方

治小兒口噤諸方

治小兒撮口諸方

釣藤散

治初生兒鵝口諸方

白礬散

治初生兒重腭重斷諸方

牛黃散

治小兒重舌諸方

蒲黃散

治小兒木舌諸方

黃連散

治小兒緊唇諸方

治小兒唇瘡諸方

治小兒口瘡諸方

竜膽丸

黃連散

雄黃散

升麻散

鈎丹膏

晚蠶蛾散

石膽散

治小兒鸞口生瘡諸方

胡粉散

和劑局方

傅涎膏

小兒藥證直訣

到聖散

大全本草

三因方

蒲黃散 牡蠣散

直指小兒方

噤風撮口臍風證治

控痰散 益脾散 辰砂膏 甘草湯

撮風散 立聖散 千金龍膽湯 朱銀

圓 天麻圓

口舌證治

重舌證治

木舌證治

助道方

治小兒虛熱口中瘡

朱氏集驗方

口舌

透冰散 金花散

保童秘要

得效方

禁風

辰砂膏 益脾散

撮口

天麻圓 蝎梢散

口瘡

瀉心湯 連翹飲 洗心散

澹軒方

鵝口

肘後方

澹寮方

麝香散

拔粹方

重舌

鵝口

口瘡

撮口

弄舌

瑞竹堂方

如聖散

醫方大成

重舌木舌

鵝口口瘡

洗心散 瀉心湯

臍風撮口

袖珍方

口瘡

省翁活幼口議

木舌金絲膏 大效金絲膏

豕類鈴方

小兒臍風撮口噤風三證

臍風撮口噤風諸方

眞珠天麻元

經驗良方

醫林方

川硝散 金面花

烟霞聖效方

施圓端效方

青金散
粉紅散

吳氏集驗方

蜜粉膏

神效方

壽域神方

嬰孺部

衛生易簡方

重舌

鵝口口瘡

臍風撮口

金匱鈞玄

備預百要方

餘藥無名者散見本方

巢氏病源

唇青候

小兒臟氣不和血虛爲冷所乘卽口唇青肥亦有臟氣熱唇生瘡而風冷之氣入瘡雖瘡之後面色不復故令唇青

鵝口候

小兒初生口裏白屑起乃至舌上生瘡如鵝口裏世謂之鵝口此由在胎時受穀氣盛心脾熱氣熏發於口故也

蠶口生瘡候

此由脾胃有客熱熱氣熏發於口兩吻生瘡其瘡白色如燕子之吻故名爲燕口瘡也

口下黃肥瘡候

小兒有涎唾多者其汁流溢浸漬於頤生瘡黃汁出浸淫肥爛挾熱者瘡汁則多也

舌上瘡候

心候於舌若心臟有熱則舌上生瘡也

舌腫候

心候舌脾之絡脉出舌下心脾俱熱氣發於口故舌腫也

小兒藥證直訣

氣不和口頻撮當調氣益黃散主之

弄舌脾臟微熱令舌絡微緊時時舒舌治之勿用冷藥及下之當少與瀉黃散漸服之亦或飲水鑿疑爲熱必冷藥下之非也飲水者脾胃虛津液少也又加面黃肌瘦五心煩熱卽爲疳瘦宜加胡黃連丸輩大病未已用藥

弄舌者凶

千金方

治小兒鵝口不能飲乳方鵝時後方聖屎米

瀝兒口中

又方黍米汁塗之肘後方同○聖惠方右取黍米

以水研取汁塗拭之

又方取小兒父母亂髮淨洗纏桃枝沾取井

花水東向向日以髮拭口中得口中自乳

以置水中七遍瀝洗三朝作之

治小兒心熱口為生瘡重舌鵝口方柘根剉

五升無根弓材亦佳以水五升聖惠方煮

取二升去滓更煎取五合細細傅之數次

良

治口瘡白漫漫方先以父淨髮拭口次取桑

汁塗之

治重舌舌強不能收唾方鹿角末如大豆許

安舌下千金翼方舌上日三四度亦治小

兒不能乳○保童秘要鹿角末細篩塗舌

下日三度 肘後方同

又方取蛇蛻燒末以雞毛蘸醇醋點藥掠舌

下愈 千金翼方掠舌上日三遍 ○聖惠方蛇蛻皮 半兩燒灰

右件藥研如粉每用半錢醋調塗舌下愈

肘後方葛氏治卒重舌方燒蛇蛻皮為末

唾和塗舌上差

治小兒重舌方取田中蜂房燒灰酒和塗喉

下愈 千金翼方同 ○聖惠方右用露蜂房燒灰

細研酒和傅舌下即愈

又方衣魚 千金翼方燒作灰 塗舌上 ○聖惠方右以

衣中白魚燒灰傅舌下

又方竈月下黃土末苦酒和塗舌上 肘後方舌下

○聖惠方右以竈下黃土研為末酒和傅

舌下

又方二家 千金翼方三家 屠肉切令 翼方作各 如指大摩

舌上兒立能啼 翼方能乳便啼

又方赤小豆末醋和塗舌上 聖惠方舌下

又方燒簸箕灰傅舌下 ○聖惠方右取簸箕

尖燒灰細研傅於舌下

又方黃蘗以肘後方南主作瀝漬取細細點

舌上良○醫方大成云亦有真蒲黃塗亦

可醫方集成南北經
驗方補珍方同

治小兒舌上瘡方蜂房燒灰屋間塵各等分

和勻傅之

又方桑白汁塗乳與兒飲之衛生易
簡方同

又方羊蹄骨中生髓和胡粉傅之○食醫心

鑑治小兒舌上瘡作白方右取羊蹄雙胃

中髓以胡粉和調傅之日可三上肘後方

取胡粉末并猪鬃骨中髓傅之日三度

治舌腫強滿方滿口含糖醋良

又方飲殺別後方
無殺字羊乳卽瘥

治小兒口瘡不得吮乳方

大青十八
銖黃連十二銖
金翼方二兩

右二味咬咀以水三升翼方
二升煮取一升三

合一服一合日再夜一

又方蜜升甘草如指大
三寸臘月猪脂壹
斤

右三味合煎相得含如棗大稍稍咽之
三

又方礬石如雞子大置醋中塗兒足下二七

千金翼方三七遍愈

肘後方同

治小兒燕口兩吻生瘡方燒髮灰和猪脂傅

聖惠方肘後方同

治小兒口下黃肌瘡方

聖惠方治小兒燕口及口内生瘡方

殺羊鬣燒作灰和臘月猪脂傅之

聖惠方日三四

上塗角亦可用

治口傍惡瘡方

亂髮灰 胡絮灰 黃連 乾薑

右四味等分爲散以粉瘡上不過三徧

治口噤赤者心噤白者肺噤方鷄屎白棗大

絲裏以水壹合煮二沸分再服

治小兒口噤方

鹿角粉 大豆末

右二味等分和乳塗乳上飲兒

又方驢乳

猪乳

右之味合煎得一升五合服如杏人許三四服瘥

治小兒口中涎山方以白羊屎內口中

又方聖惠方治小兒口噤其病在咽中以東如麻豆許令兒吐沫不能乳哺

行牛口中沫塗口中及頤聖惠方直上又指方作額

桑白汁塗之瘥

千金翼方

治小兒重舌舌生瘡涎出方

以蒲黃傅舌上不過三度愈

海上仙方

小兒重舌最難當秀鎖尋來是聖方火內燒

紅打細末水調喫下便安康

撮口最難醫殭蠶細末宜蜜調塗口內即散

免灾危

聖惠方

治小兒口噤諸方

夫小兒初生口裏忽結生於舌上如黍粟大令兒不能飲乳名之曰噤此由在胎之時熱

入兒心脾心脾徧受於熬故令口噤者也

治初生兒口噤不開舌不能吮乳方

蜘蛛

壹枚去足及口炙令焦細研

猪乳

壹合

右以猪乳和上件散分爲二服徐徐灌之

神妙

直指方云牙疳亦用蜘蛛并麝香

治小兒初生著口噤不開不收乳方

赤足蜈蚣

壹枚去足炙令焦

右細研如粉用半錢以猪乳二合和之分

三四服灌之差

經驗良方同

○永類鈐方赤足

蜈蚣

去足炙半介

石爲末入射少許以猪乳乙

合和分作三服猪乳主小兒口噤不開最

良

治小兒著口噤體熱者方右煖竹瀝二合分

三四服兒新生慎之不可逆灸灸之忍痛

動其五脉因之喜成癩是以田舍小兒任

其自然皆無此夭傷可審之也

治小兒口噤其病在咽中如麻豆許令兒吐

沫不能乳哺水銀方右以水銀如黍米大

與兒服覺病無早晚水銀下咽便愈以意
量之不過麻子許為度也以意稍加百日
兒不可過如牛麻子也

又方右取牛口齒草絞汁塗上差

又方右以雀兒糞壹粒細研乳汁調下差

又方右取白牛尿塗口中差

又方右取雞糞白如豆大三枚以水下差

又方右燒葛蔓灰細研以壹字和乳汁點口

中即差

又方右取驢乳半升猪乳二合相和煎得膏

中盞時時用少許與服差

治小兒口噤體熱方右取竹瀝二合分溫服

之

治初生兒至七日已來口噤方

牛黃壹錢
細研

右以竹瀝調一字灌之更以猪乳點口中

差經良方
得效方同○肘後方以牛黃少許研細

淡竹瀝調下一字灌之更以猪乳點口中

差衛生易
簡方同

治小兒撮口諸方

夫小兒撮口者由在母胞中挾於風熱兒生之後氣血未調或洗浴當風襦袍失度一臘之內遂有斯疾但看面赤啼聲不出哺乳艱難卽是撮口若過壹臘方免此厄最爲急疾宜速療之

治小兒新生發噤撮口宜服釣藤散方

釣藤半兩 川升麻半兩 螻蛄二枚去翅 黃芩半兩

右件藥擣細羅爲散每服一錢以水壹小盞入蘆根壹分煎至四分去滓徐徐溫服預治孩子風熱撮口神妙方

白米五十粒 朴消半錢 豉三十粒 生甘草壹寸 葱白一寸

右以童子小便壹中盞煎取三合兒初生未喫妳前使以絲濡點藥口中二七滴後巡兒腹中轉卽利出臍糞然與妳喫至七日已來每日滴三七滴永無此疾經極効

也

治撮口當兩乳中高下平以線量灸之三壯起死仍用後方

烏驢乳一兩東引槐枝十枚各長三寸

右以塘火煨槐枝入火一半看不煨頭津出即收拭却灰內於乳中浸須臾便以槐枝點乳於口中大驗

治小兒胎熱撮口方

牛黃一錢細研竹瀝壹合

右件藥調令勻醫方大成集成永類鈔方扶入口中南北經驗方油

珍方壽域神方滴入口中時時與少許服之○衛生易

簡方用牛黃一錢竹瀝少許研勻抹入口中

又方蝸牛子壹寸枚去殼蔣蘿末半分

右件藥同研令勻川妳汁和塗於口畔立

差

又方麝香一分朱砂壹分蛇蛻皮一尺細切微炒

右件藥都細研如粉每用半字以津粘見

口脣上日五七上用之

治小兒撮口及發噤方右以生甘草壹分細
剉以水壹小盞煎至六分去滓微溫與兒
服之令吐出痰涎衛生易簡方同後以猪乳肘乳方後
汁點口中即差

又方右取壁魚子細研作末每服少許令兒
吮之

又方右取鼠蝨蟲紋取汁與兒少許服之

又方右取赤足蜈蚣壹枚雀兒飯瓮子不開

口者五箇和燒爲灰細研每服以粥飲調
下壹字

又方右以初生時豆牙爛研以乳汁調與兒
喫或生研絞取汁少許與服亦得

又方右取晚蠶蛾三枚炙令黃研爲末和蜜
塗口即効

又方蝸牛子五枚去殼

右取汁塗口上以差即止

又方右取棘科上雀兒飯瓮子末開口者取

箕子內物和妳汁研灌之

又方右取栢樹白皮穿作小孔子安於臍上以艾炷入栢皮孔中灸之即差

治初生兒鵝口諸方

夫小兒初生鵝口者其舌上有白屑如米屑

也劇者鼻外千金外亦有千金方此由見在

故也或始娠時療法以髮纏筋頭沾井華水

擦拭之三日如此便去不差者可取栗房煮

汁令濃以綿纏筋頭沾拭之無栗房千金方

附後方

粟以栗樹白皮以井華水煮汁佳小兒初生

有連舌下有膜如石榴子中隔連其舌下若

隔厚令兒語不發轉也可以爪摘斷之微有

血出無害若血不止可燒亂髮作灰末以傅

之止

治小兒鵝口并噤白礬散方○和劑局方朱

礬散治小兒初生鵝口其舌上有白屑如米

屑者鼻外亦有并不能乳

白礬壹分燒灰朱砂末壹分

右件藥和研極細傅兒舌上日三上以亂

髮洗舌上垢類令淨醫力大成使亂髮纏指措舌上令淨以藥

傳簡易方醫方集成南北經驗方袖之即差珍方壽域神方衛生易簡方與大

成同肘後方藥烈唯薄薄傳之日三以冷外洗舌以髮勾白垢也

治小兒鵝口方右以指纏亂髮以溫水掠之

三日勿絕効矣

又方馬牙消壹兩

右細研為粉用壹大豆大每日三度於舌

下塗之○肘後方細研馬牙消於舌上搽

之壽域神方日三五度搽大豆許

治初生兒重膠重齟諸方

夫小兒初生六七日後血氣收斂成肉口舌

喉頰裏泠泠然淨也若喉舌上有物如蘆籜

盛水狀者名懸癰有氣脹起者可以絲纏長

針留刃處如粟米許大以刺之令氣洩去亦

出清黃血汁也千金方令氣泄去一刺之止

消息膏日若不消千金方此下又刺之不過

三刺自消或餘小小未消三刺之必自然得

消也有著舌下者如此名重舌有著頰裏及上腭如此者名重腭有著齒斷者即名重斷皆刺之去血汁即差也

治小兒重腭重斷腫痛口中涎出宜服牛黃散方

牛黃壹分白龍腦壹分朱砂壹分太陰玄精兩壹鈆

霜兩半

右件藥同細研爲散每度用藥半錢先於重舌上以鉞針鉞破出血用鹽湯洗拭口

然後摻藥於口中神效

又方驢乳壹合猪乳壹合

右相和煎至壹合時時與兒服之

又方玄明粉壹分太陰玄精壹分鈆霜半

右件藥同研令細少少傅之

又方右以蛇蛻皮燒灰研令細以少許傅之効矣肘後方同

又方右取田中蜂房燒灰細研以水和塗口中立愈

又方右取煑煤以水調塗之

治小兒重舌諸方

夫小兒重舌者由脾熱故也心候於舌而土於血脾之絡脉又出於舌下心火脾土二藏母子也有熱則血氣俱盛其狀輔於舌下近舌根生形如舌而短故謂重舌也

治小兒重舌及口中生瘡涎出方右取白羊

尿塗少許口中差

又方右取桑根白皮汁塗口中差

王氏集驗方用後方

煮汁塗乳飲之

又方桂心壹分白礬半兩

右件藥搗羅為末每用少許乾傅舌下日

三上

治小兒重舌口中生瘡涎出蒲黃散方

蒲黃一分露蜂房一分白魚鱗壹錢

右件藥都研令勻用少許酒調傅重舌口

中瘡上日三用之

治小兒重舌舌腫方右取牯牛乳與少許飲

之

治小兒重舌方

桂心半兩
為末

右以生薑汁相和令勻每用少許塗舌下

日再塗之

又方右以甌帶燒灰細研傅舌下

治小兒重舌欲死者方右用亂髮燒灰細研

傅舌下簡生易
簡方同

又方右用桑根自皮一兩細剉以水一大盞

煎至五分去滓漸漸以匙子抄少許令兒
吮之

又方右以釜底墨水調塗舌下

又方黃蘗壹分
細剉右以竹瀝漬取汁細細點口

中良

治小兒重舌欲死方

烏賊魚骨壹兩
燒為灰

右研如粉以鷄子黃和塗喉外及舌下

又方右燒蜚蠊灰研之津和塗於舌下

治小兒木舌諸方

夫小兒木舌其狀舌漸巖大若不急治滿口當寒殺兒也

治小兒木舌方右取鯉魚切作片子貼於舌上效

又方右用醋和煑煤塗舌上當脫涎膜又塗之以涎膜盡舌如故即止

又方保童秘要紫雪壹分竹瀝半合○秘舌腫脹

右研紫雪為末用竹瀝調下一字日三五

服秘要勻調一歲兒作一○拔粹方木舌服與喫亦宜服五香丸

治法用局方中紫雪壹分竹瀝半合和之時時抹入口中自消醫方大成治小兒舌

腫塞口欲滿者用紫雪一分竹瀝半合細

研和勻頻置口中以盡為度醫方集成南

珍方

又方衣中白魚五枚川朴消壹分菹少

右作藥擣細羅為散少傅之

治小兒緊唇諸方

夫脾與胃合為足陽明其經脉起鼻環於唇其支脉入絡於脾脾胃有熱氣則發於唇生瘡而重被風邪寒濕之氣搏於瘡則微腫濕爛或冷或熱乍差乍發積月累年謂之緊唇亦名藩唇也

治小兒緊唇是五藏熱毒氣上衝唇腫反麤是也宜用黃連散方

黃連半兩 黃蘗半兩 甘草半兩 寒水石半兩
去鬚 檳榔壹分

右件藥搗細羅為散鍊蜜調塗於唇上一日兩三度換之

又方右搗刺薊取汁煎令濃先以物揩唇上血即塗之

又方右爛嚼澤蘭心安唇上良

又方右以葵根燒灰為末以酥調封之

又方右燒自死螻蛄灰細研水調傅之

又方右灸松脂貼之

又方右燒烏蛇灰細研酥調傅之

又方右乾蟻螬燒灰細研以猪脂和臨卧塗之差

又方右燒鼈甲令煙盡細研酥調傅之

又方右燒亂髮蜂房六留毛作灰細研以猪脂和傅之

治小兒脣瘡諸方

夫脾與胃合是陽明之經胃之脉也其經起於鼻環於脣其支脉入絡於脾脾胃有熱氣發於脣則脣生瘡也

治小兒脣邊生瘡經年不差方右以藍葉布絞取汁洗之日二上不過三日差

治小兒脣口吻生瘡方右以新瓦擗羅爲末以生油調塗之

又方右燒鷄屎白作末以傅之有涎易之

治小兒脣腫生瘡及口中生白瘡欲爛方右於清旦取桑樹白皮中汁塗之効
治小兒脣口卒生瘡或痛痒方

黃蘗末

右用濃煎薔薇根汁調塗之立刻

治小兒口瘡諸方

夫小兒口瘡者由血氣盛兼將養過温若心有熱熏於上膈故口生瘡也

治小兒口瘡多睡吐乳龜膽丸方

龍膽一分去蘆頭 川大黃等分剉碎微炒 人參半兩去蘆頭

梔子人兩半 川朴消兩半 茵陳青分 郁李人兩半 湯浸

去皮微炒

右件藥搗羅爲末鍊蜜和丸如棗豆大一

二歲兒以温水研下三丸看兒稍大臨時

加之

治小兒口瘡心熱煩悶黃連散方

黃連三分去鬚 大青三分 川升麻三分 桑根白皮半兩

剉甘草微赤剉

右件藥搗羅爲散每服壹錢以水壹小盞煎至五分去滓放温量兒大小分減服之若與妳母服卽加梔子黃芩各半兩每服三錢以水壹中盞煎至六分去滓每於

食後温服

治小兒口瘡爛痛不問赤白或生腮頰間或牛齒斷上雄黃散方

雄黃一分消石壹分蚌蛇膽壹分黃連一分石

鹽壹分苦參壹分朱砂壹分雞屎壹分麝香壹分

細研

右件藥搗細羅爲散都研令勻日可三五度塗之

治小兒久患口瘡不差宜用此方

蝦蟆半兩酥壹分白礬壹分筍灰半兩黃蘗壹分

黃連壹分川升麻壹分蝸牛子三七枚去殼炒

晚蠶蛾一分散炒

右件藥搗細羅爲散每取少許以白蜜和如膏塗於瘡上日三用之

治小兒口瘡多時氣鼻生蟲子升麻散方

川升麻一分黃芩壹分藁本壹分甘草壹分生乾

地黃壹分五倍子一分皂莢兩訶梨勒皮兩夏

枯草兩味燒灰

右件藥搗細羅為散候兒睡時即乾摻於
瘡上神效

治小兒口瘡鈆丹膏方

鈆丹壹分鉛霜半錢蛤粉半錢晚蠶蛾半錢麝香壹錢

右件藥研令極細用蜜二兩熬成膏每上
取膏半錢塗在口中

又方麝香壹分朱砂半分胡桐律壹分黃蘗末壹分晚

蠶蛾壹分

右件藥都細研為散每夜臨臥時於瘡上
薄貼之不過三夜差

治小兒一切口瘡止疼痛方

沒石子三分微火壹分甘草壹分

右件藥搗細羅為散每於瘡上薄摻蓋令
徧

治小兒口瘡腫痛方

蟾酥半錢石膽半錢黃蘗末三錢

右件藥細研令勻鍊蜜和丸如皂莢子大

每夜以水化一丸如錫相似以篋子抹在口中每夜一兩上不過兩夜差

又方麝香半分細研密兩半黃丹壹分生地黃汁壹合

右件藥先以蜜地黃汁黃丹同入銚子內以慢火熬令紫色次下麝香勻攪候冷日三度塗於瘡上

又方銅綠一錢細研白芷末兩半

右件藥相和研勻日三度摻貼於瘡上

治小兒百日已上二三歲已來患口瘡宜傅

晚蠶蛾散方

晚蠶蛾一分麝香半分微炒

右件藥都細研為散每用少許摻於瘡上日再用之

治小兒口瘡赤爛石膽散方

石膽半錢蚶蛇膽壹分竜腦一分

右件藥同細研為散每用少許塗於瘡上日三用之以差為度

又方膩粉一錢黃蘗末兩半

右件藥相和令勻薄薄搽塗之

治小兒鸞口生瘡諸方

夫小兒鸞口生瘡者由脾胃有客熱熱氣熏發於口兩吻生瘡白色如鸞子之吻故名鸞口瘡也

治小兒鸞口生瘡胡粉散方

胡粉壹分炒黃連半兩

右件藥細研令勻傅於瘡上

治小兒鸞口及重舌并生熱瘡方

栢樹根壹握洗去上到

右以水煎濃汁去滓更煎令稠日三四上以塗之

又方雞脰真皮燒為灰

右研為末以乳汁調半錢服之日三服

又方黃連一兩去鬚

右搗羅為末用蜜調蒸壹炊久旋旋與兒

喫

和劑局方

傅涎膏治鵝口木舌

黃丹 鐵粉 朱氏集驗方賦粉

右為末用蜜調蒸兩次睡時以鵝毛傅舌上

小兒藥證直訣

到聖散治小兒口瘡

大天南星 去皮只取中心如龍眼大為細末

右用醋調塗脚心 經驗良方此云大人小兒口瘡醋調天南星末塗脚心 ○瑣碎錄

或茱萸末塗之亦可男左女右

大全本草

譚氏方治小兒牙關不開天南星一箇煨熟
帛裏封角未要透氣於細處剪鷄頭大一
竅子透氣於鼻孔中牙關立開

子母祕要療小兒重舌木蘭皮壹尺廣四寸
削去麁皮用醋壹升漬取汁注重舌上
子母祕錄小兒撮口病夜合花枝濃煮汁拭
口并洗

孟詵云小兒以煮小豆汁和鹿角灰安重舌
下日三度

子母祕錄治小兒撮口病但看舌上有瘡如
粟米大是也以蜈蚣汁刮破指甲研傅兩
頭內差如無生者乾者亦得

子母祕錄小兒緊唇擣馬芥下汁令先指唇
血出傅之日七遍馬芥卽刺芥也

陳藏器云雀癰本功外主小兒撮口病先務
小兒口傍令見血碎之取引塗之亦生擣

鼠婦并雀癰汁塗小兒多患此病漸漸撮
不得飲乳者是凡產育時開諸物口不令
閉相厭之也打破絞取汁與平常小兒飲
之令無疾

三因方
蒲黃散治小兒重舌

真蒲黃

微炒紙鋪地上出火氣

右研細每抄些小摻舌下時時摻之簡奇方同
自愈更以溫水蘸熟帛裏指輕輕按掠之

按罷搽藥 簡易方同

牡蠣散治小兒口瘡

牡蠣 煨通紅取出候冷研細以紙裹了甘埋一尺土中七日出火氣三錢

草 炙為末壹錢匕

右和勻時時抄少許搽口中或嚙或吐皆

無害

直指小兒方

噤風撮口臍風證治

風噤方先用控痰散吐風涎次與益脾散和

胃又用辰砂膏利驚即愈或手捉拳噤口不

開者不治

控痰散 永類鈐方痰作涎

蝎尾 銅青 各半錢 朱砂 一錢 膩粉 一字 麝 少許

右為末每服一字臘茶清調下先吐風涎

然後和胃或後段甘草方吐痰隨輕重用

益脾散

白茯苓 人參 草果 永類鈐方煨 木香 濕紙裏熟

煨 灰內 甘草 炒 陳皮 鈐方淨 厚朴 製 蘇子 炒

右等分爲末每一錢薑棗煎服

辰砂膏

辰砂三錢 鵬砂 馬牙硝各一錢半 玄明粉三錢 全

蝎 真珠末各一錢 麝字

右爲末和畢用好單包起自然成膏每服

壹豆粒許治諸驚金銀薄荷湯下潮熱日

草湯下月內用乳汁調傅妳上令吮下

僵蠶方治撮口直僵蠶貳枚去嘴略炒爲末

密調傅唇口中

甘草湯治撮口取吐

甘草生壹錢

右剉煎服令吐出痰涎却以猪乳點入口

中卽瘥

撮風散治撮口

赤脚蜈蚣半條 釣藤一分 朱砂 直僵蠶焙

血蝎梢各青麝字

右爲末每服一字取竹瀝調下竹瀝解熱

蜈蚣方治口噤不開不能收乳

赤足蜈蚣半枚去足

炙令焦

右為末入麝少許以猪乳壹合和之分三服猪乳主小兒口噤不開最良

立聖散治小兒口噤

蝎梢二箇 蜘蛛

一箇去口足先以新竹於火上炙取竹油一蛤殼許

乃竹瀝也浸蜘蛛膏宿炙令焦

右同末研極細入膩粉少許每壹字用乳汁調時時滴入口中

千金龍膽湯

朱銀圓

方並見驚癇

天麻圓定命丹急驚下劑

口舌證治

口角瘡爛方髮灰細末猪脂和傅驚窠亦好

重舌證治

重舌者心脾俱有熱也心候於舌所主者血脾之絡脉出於舌下若心脾有熱則血氣俱盛附舌根而重生一物形如舌而短小是也有著頰裏及上腭者曰重腭有著齒斷者曰重斷皆當刺去其血也用真蒲黃

傳之或髮灰傳之或馬牙硝傳之或竹瀝
浸黃栢點之燄消亦好得効方同

木舌證治

舌者心之候脾之脉絡於舌也臟腑壅滯心
脾積熱熱氣上衝故令舌腫漸漸脹大寒
滿口中是爲木舌若不急療必至害人紫

雪壹字研細竹瀝調下

得効方同

又方黃蜀葵花研細黃丹半之同餅點七次

得効方同

又方川朴消二分紫雪壹分白搥半分同研

每半錢竹瀝井水調傳得効方同

助道方

治小兒虛熱口中瘡

虛發攻人口發瘡口中白爛痛難當江茶末
和甘草末摻入口中清且涼

口瘡之候因服熱藥過度或虛熱上攻滿
口生瘡疼痛不已方用江茶末甘草末兩
味等分和勻摻入口中又方用好礬入內

勻用亦佳奇効如神

朱氏集驗方

口舌

透冰散治胃膈熱口内生瘡

朴消 竜粉 甘草

壹錢

右末乾糝入口內

治口瘡 鷄子黃 梧桐子 二味燒灰刷

入口中

金花散治口瘡潮熱呷疾

雄黃 牙消 麝金 甘草 瓜萁 干葛

右爲末壹字新汲水薄荷水調下

生下滿月以前麻口 粉草爲國丹 蝦少攪

勻密糖調刷舌上

重舌真蒲黃爲末乾摻衛生易簡方同

保童秘要

口瘡諸方

升麻 竜膽 紫苓各壹分 朴消二分湯成下

右切以水五大合煎取二合去滓一歲兒
每服壹合

又方武都雄黃 消石 蟬蛇膽 黃連

不塩 黃蔘 丹沙各壹分 鷄糞礬石二杏仁大

麝香三杏仁許

右擣羅更細研凡口中瘡不問赤白大小
生於舌上頰中及齒斷並宜塗之日可三

四度

又方苦竹葉壹把 大青 大黃各壹分

右以清水五合煎取二合半去滓一歲兒

壹日與一合服之

重舌諸方

鹿角末細篩塗舌下日三度

又方馬牙硝研如粉以棗豆大塗於舌下日

可三度

又方蛇皮焦炙擣作末每日三度傅之每傅

用壹豆大又宜服五香丸

舌腫脹諸方

衣中白魚一枚朴消一分 少

右壽篩為粉少少摩舌下豈度著半杏仁

許

又方黃藥

甘草

炙已上 各一分

右以水四合煎取壹合壹歲兒作壹服喫

得效方

噤風

辰砂膏治眼閉口噤啼聲漸小舌上聚肉如

粟米狀吮乳不得口吐白沫大小便皆通蓋

由胎中感受熱氣流毒於心脾故形見於喉
舌或為風邪擊搏致之

辰砂三錢鵬砂

馬牙硝

各壹錢半

玄明粉

二錢

蝎

真珠末

各壹錢

生麝

壹字

右為末好油紙封裏自然成膏每服壹壹粒許用乳汁調傅乳頭上吮下金銀薄苛湯下亦可有潮甘草湯服

益脾散和胃進乳消痰

白茯苓

人參

草果仁

蘇子

微炒木香

濕紙裏熱甘草 陳皮 厚朴 去麁皮薑汁炒

右剉散每服一錢生薑一片紅棗一枚未乳前服合滓乳母服

撮口

僵蠶方治而目黃赤氣息喘急啼聲不出蓋

由胎氣挾熱流毒心脾故令舌強唇青聚

口撮而飲乳有妨右用直僵蠶二枚去嘴

略炒為末蜜調傅唇中效

天麻圓治釣腸鎖肚等撮口內氣引痛腸胃

鬱結不通則亟宜疎利此藥特效 方見若

口山白沫四肢冰冷最為惡候一臘見之

尤急又法極驗其兒齒齦上有小泡子如

粟米狀以溫湯蘸熟帛裹手指輕擦破即

開口便安 齊風同用

竭梢散治胎風反百日内撮口臍風右用蝎

梢四十九箇每壹箇川薄荷葉捲定以絲

扎於砂銚中袞轉炒令薄苛乾酥為度再

用白僵蠶四十九箇生薑汁沙乾去絲帶

同爲末更以腦子生麝香少許研勻紫雄
鷄肝二片煎湯調下

口瘡

瀉心湯治血盛將養過溫心有客熱熏發於
上焦遂成瘡右用黃連一兩去鬚或加腦
子麝香鵬沙爲末每服壹字溫水臨卧服
連翹飲治心肺有熱發斑駁如丹身體有
熱或熟煮大栗與食亦佳方見疹痘
洗心散治心熱煩渴作成瘡口每用一字乾

糝兒口中噉喫亦無妨乳母同服尤妙方見大方

科積熱門

傅藥治滿口瘡爛黃丹一兩好蜜一兩瓦盞
盛飯上蒸膏炊久取出以鵝翎刷瘡上效
貼藥吳茱萸末醋調貼兩脚心移夜卽愈藥
性雖熱能引熱就下至良

又方天南星密陀僧爲末治口瘡不能吮乳
醋調貼兩有心卽洗去清熱加薄荷水拭
口內

又方生硫黃爲末新汲水調貼手心脚心效
卽法去

澹軒方

鵝口

小兒鵝口藥如何揀取南星著醋磨磨了濃
塗兒脚底才痊洗去莫留他兒生鵝口叫
呱呱好墨濃磨蜜與塗更有桃兒乾竹籜
燒灰研付也消除

肘後方

若口瘡不得飲乳桑汁塗瘡日夜三飲羊乳
亦佳

治小兒鵝口不能飲乳燒雞脰黃皮末乳和
服

又方桑自皮汁和胡粉傅之

玉氏集
驗方同

又方治小兒撮口搥鼓臍上灸之

姚和衆方治小兒重舌鹿角末細篩塗舌下
日三度

又方馬牙消塗舌下日三度

又方治初生小兒產下有皮膜如榴中膜裏
舌或遍舌根可以指甲刺破令血出燒礬
灰細研傅之半菘豆許若不搗去兒必啞
承類鈐
方同

又方燒烏賊魚骨和鷄子黃傅喉及舌上生

易簡
方同

又方用粟哺之

簡要濟衆露蜂房燒灰細研酒和爲膏傅兒
舌下日三四次

又方治重舌欲死以亂髮灰細研以半錢傅
舌下日不住用之

兵部手集治小兒口噤體熱者竹瀝一合煖
之分三四服兒新生慎不可逆加針灸忍
痛動其五脉因之成癰是以田舍小兒任
其自然皆無此疾審之

子母祕錄治小兒口瘡五月五日蝦蟆炙杵
末傅瘡上卽差兼治小兒尋瘡入微
澹察方

麝香散治小兒生下三四日臍風撮口者蓋
因生下時剪臍不定傷動臍外風入臍故有
此證下乳不得其候而青啼聲不出唇青口
撮若口出白沫四肢逆冷此是惡候○醫方
大成定命散治因剪臍傷於風濕致令唇青
撮口

赤脚蜈蚣

半條

川烏尖

三箇

麝香

許少

右爲末同麝香研極細每服半字煎金銀

薄荷湯下

經驗良方吳氏集驗方同醫方
集成南北經驗方神珍方與本

成此方治小兒驚風尤妙若初生小兒更
同此方治小兒驚風尤妙若初生小兒更
斟酌多寡用○水類鈴方右端本相合先
吹入鼻內噫啼可治次用薄荷湯調下
小兒口瘡右以南星爲末醋調付足心常漸
安

拔粹方

重舌

治法竹瀝清黃柏末點舌上

壽域神方無如
時點舌上

不愈後用真蒲黃傅之不過三次愈

下鵝口

小兒初生白屑滿舌治法用髮纏指頭蘸井花水揩拭之後用黃丹鍛出火氣摻於上自愈

口瘡

治法乳母同兒宜服洗心散瀉心湯然後用黃蘗末青黛研細摻之

撮口

治法宜用白殭蠶末蜜調塗兒口醫方大成集成南唐

經驗方袖珍方承類 又用牛黃壹錢竹瀝

鈔方壽域神方同 一合時時抹入口中即瘥○衛生易簡方

治小兒因剪臍傷於風濕或尿在抱裙之

內遂成瘡風面赤唇青啼聲不出名曰撮

口用白殭蠶為末蜜調塗口內即差壽域神方

同

弄舌

脾藏微熱舌絡緊也治法勿用冷藥下之當少與瀉黃散若肥實者用牛黃散治之

大人小兒口噤不開牙關者諸藥勿効生天
南星末壹錢腦子少許相和研勻用指蘸
生薑自然汁蘸藥於左右大牙根上搽之
立開

瑞竹堂方

如聖散治小兒口瘡不能喫乳者

江子 壹粒或二粒

右研爛不去油入朱砂或黃丹赤土少許
剝開小兒顙門貼在顙上如四邊起粟米

泡使用溫水洗去藥恐成瘡使用菖蒲水
洗便安其効如神

醫方大成

重舌木舌

湯氏刺血方治小兒舌下生舌名曰重舌用

針刺去惡血即愈 醫方集成南北經驗方
袖珍方壽域神方衛生

易簡方同

鵝口口瘡

葛氏方治小兒白屑滿舌狀如鵝口用髮纏

指頭蘸井花水拭舌上如不脫濃煮栗木
汁以絲纏筋頭拭之却用煨過黃丹摻之
小兒初生舌下有膜如石榴子連於舌根
令兒言語不發可摘斷之微有血無害如
不止燒髮灰摻之

醫方集成南北經驗方
袖珍方壽域神方衛生
易簡方同

楊氏方治小兒心有客熱滿口生瘡用天南
星末醪調貼脚心又有用吳茱萸末米醋
調塗亦可

醫方集成南北經驗方袖珍
方壽域神方衛生易簡方同

和劑方洗心散治小兒心經蘊熱滿口生瘡

方見積熱門醫方
集成袖珍方同

錢氏方瀉心湯治口瘡用黃連去蘆為末蜜

水調服醫方集成南北經驗方袖珍
方壽域神方衛生易簡方同

秘方治鵝口不能乳者用地雞搗水塗瘡即

愈地雞扁虫也人家磚下多有之醫
方集成南北經驗方袖珍方同

臍風撮口

張氏方治小兒斷臍為風濕所傷或尿在抱
裙之內遂成臍風面赤喘息啼聲不出名曰

撮口並皆治之

赤脚金頭蜈蚣壹枚 蝸梢尾四 殭蠶七 瞿麥半

右為末先用鵝毛管吹藥入鼻內使噴噴

啼叫為可醫後用薄荷湯調服之醫方集成南北

經驗方永類鈔方袖珍方同

袖珍方

口瘡

治兒牙疳用白凡裝於五倍子內合燒過為末貼之

治小兒口瘡

枯白凡壹兩 黃丹壹錢半 乳香半錢

右件煉蜜為膏如皂子大臨卧噙化小兒

用筋頭點

省翁活幼口議

木舌金絲膏治小兒心脾受熱唇口生瘡仍

治

慕口唇舌白 鵝口舌白 重舌舌下硬 木舌舌腫硬 以

上皆係心脾熱並宜用下項藥傳脚心次

服連翹飲子仍與金絲膏刷口內舌上功

效
又吳茱萸不拘多少右為末用醋米醋調塗脚心

更以紙貼糊粘傅之立効又有重齶一證

於上齶令生壹肉如指大小赤腫妨食及

吻乳斯由熱極而作速宜下之不令熱毒

流咽喉加其腫塞悶絕而脫宜服疎風散

下之見驚

大効金絲膏治小兒口瘡方

黃丹錢一生蜜壹

右相和深甌盛甌內蒸令黑為度每用少

許雞毛蘸刷口內

永類鈐方

小兒臍風撮口噤風三證

臍風者斷臍後為水濕風冷所乘入於臍而

流於心脾遂臍突多啼阻乳若臍邊青黑撮

口爪甲黑發搐不治亦有熱左胃堂伸引努

氣此胎中母多驚悸或食熱毒所致

撮口者山臘之內也七日面赤喘急啼聲不出
 由胎氣挾熱兼風邪入臍流毒心脾經若舌
 強唇青聚口撮而阻乳又口出白沫四肢冷
 不可治或肚脹疝引痛皆腸胃鬱結不通
 法宜疎利撮口最為惡候七日後始可免
 噤風者眼閉口噤啼聲漸小舌上聚肉如粟
 米狀阻乳口吐白沫大小便皆通由胎中受
 熱氣流毒於心脾或初生復感風邪所致自
 滿月至百二十日見此名曰犯風噤手足拳

口不開不治

噤風撮口噤風諸方

撮口証兒齒齦上有小泡如粟米狀以帛裹
 手指蘸溫水輕擦破即口開便安不必服
 藥神妙

小兒口舌生瘡或生白胎皆心脾經熱用吳
 茱萸作末醋調傅脚心拔下熱氣愈用地
 龍研傅亦佳又用南星末醋調貼脚心效
 又洗心散自佳 又名鵝口瘡自內生出

可治自外生入不治有用鵝所食草下青
糞者濾汁加沙糖調搽口中效 又用雄
鵝糞眠倒者燒灰加麝香末次入口中
又用髮纏指頭點井花水拭舌上有初生
舌根有膜如石榴子可摘去之血出無妨
不止髮燒灰傅之有不可乳食以朱砂白
凡等爲末先拭舌上井水嗽之却傅藥佳
慕口者唇舌白重舌者舌腫大滿口木舌者
舌腫硬皆心脾有熱也與上証用藥相似

用真蒲黃末或髮灰馬牙硝竹瀝黃丹紫
雪白塩各味皆可傅點兼服連翹飲等

演山真珠天麻元治撮口弔腸鎖肚鬱結腹
脹青筋阻乳急與疎利量重輕截風定搐

南星炮天麻 白附子炮各錢半膩粉半錢巴霜

乙蕪荑炒全蝎炒滑石各乙錢半

右爲末麪糊元麻子大牙兒三三三元五
日五元七日七元加青黛名青黛元薄荷
湯茶清下

經驗良方

治小兒口噤乳不下右用白棘燒末水服壹錢匕或塗乳上

治小兒口噤右用麝香少許入大黑豆末中和乳飲之

治撮口單方初乃面赤喘息啼聲不出是撮口之候此疾由母胞挾於風熱或當風解脫襁抱失宜致有此疾宜慎戒之用白姜蠶末蜜調塞兒唇口內即安

小兒舌上白羔瘡草鵝屎取汁調沙糠喫鵝喫穀者不可用

小兒生口瘡用絹帛先淨去帛漿灰即將絹帛蘸薄荷水拭口內加少許朴硝尤佳

又蜜陀僧細研醋調塗兩足心效洗去
又生硫黃末新汲水調塗手心腳心頭心效洗去

又蒲黃蟬蛻去泥土爲末打和用蜜少許甑上蒸過頻頻點口中

又吳茱萸炒赤醋塗脚心效洗去

又以大栗熟煮每日常食效甚

小兒生重舌白及末用乳汁調傅小兒脚心

治小兒口腫用羊乳汁飲之瘥

醫林方

川硝散治小兒重舌出妙選小兒方

神仙紫雪 青塩 朴硝各等分

右爲細末竹瀝調藥在舌下瘡上效

治小兒白口瘡

五倍子 蜜陀僧各等分

右爲細末貼在口瘡上卽止

金而花貼小兒口瘡久不可者

巴豆十個去油 黃丹三錢

右二味同研水調攤在菜葉上如錢眼大

貼在眉中間上又用白麵貼之眉間破爲

效

烟霞聖效方

治赤白口瘡

香白花壹兩 劍碌壹錢 麝香少許

右件為細末臨睡用壹字葦筒見吹在瘡上

施圓端效方

青金散治小兒白口瘡急惡狀似木耳王涇川

方郎

五倍子去土垢四兩 青黛四錢

右為細末好油調鴉羽掃口向咽喉流入咽喉中瘡爛次日便下兼治痔瘡亦佳湯陰

樊元真方

粉紅散治小兒白口瘡咽喉惡爛聲啞

乾胭脂錢一 枯礬壹兩

右研勻每用壹錢生蜜調如稀糊掃口瘡咽喉內咽了藥來日大便退了瘡皮為驗

吳氏集驗方

蜜粉膏治麻舌

丹粉

右少蜜調和飯上蒸些時取下以鷄毛掃

抹所患處

新効方

治口糜

苦參 黃丹 青黛 五倍子

右四味等分末以傅之

治木舌

芒硝 滑石 百草霜

右三味末之酒調傅

治口噤

鬱金 藜蘆 瓜蒂

右三味等分末之以搐鼻中

壽域神方

嬰孺部

治舌下生舌名曰重舌用馬牙硝塗舌下日

三度或用竈心土塗之妙

衛生易簡方

重舌

治小兒舌腫塞口欲滿者用紫雪壹分竹瀝

半合研勻頻置口中以盡爲度

鵝口口瘡

治小兒口生爛瘡用粘羊生乳含之差

治小兒口瘡通白及風府瘡蝕透者用白殭
蠶炒黃爲末蜜和傅之立效

治小兒口瘡飲乳不得用白礬如鷄子大置
好醋壹盞中頻塗兒足底卽愈

又方用硝石爲末參瘡日三五度亦治重舌
又方用巴豆三二粒去殼研爛入朱砂或黃

丹少許貼在顙上如四邊起小泡便用温
水洗去藥更用菖蒲水洗之甚効

臍風撮口

治小兒撮口及發噤用晚蠶蛾二枚炙黃爲
末蜜和傅兒口內

又方用川烏尖三箇射香少許別研爲末和
勻每服半字金銀薄荷湯調下

治小兒撮口用雀瓮鼠婦同研如泥先刺破
兒口角血出後塗藥在口角并口內

金匱鈎玄

口糜江茶末付之

又方苦參 黃丹 五倍子 青黛 各等分

為末付之

木舌

百草霜 滑石 芒硝

右為細末酒調付

口噤

鬱金 藜蘆 瓜蒂

右為末搐鼻中

備預百要方

小兒撮口方 搥鼓內臍上灸之

小兒口噤方 甘草煎服

小兒口瘡不飲乳 桑皮汁塗之 日夜十餘度

兼埋重舌

小兒舌腫不飲乳 蒲黃一撮著舌上 兼埋重

舌

小兒舌上生白胎如雪 煮栗刺以絲拭去白

屑洗之日三冬日栗木汁洗之
小兒重舌黃丹末如豆大著舌上

頭面一附毛髮

水目錄

論

千金方

藜蘆膏 苦參湯

千金翼方

苦參湯

小兒門四

頭面二

聖惠方

治小兒解顛諸方

鍾乳丸 白及散

治小兒顛不合諸方

熨藥

治小兒顛陷諸方

生乾地黄散

治小兒頭瘡諸方

松脂膏

青砂散

胡粉散

水銀膏

雄黃膏

紫草膏

藜蘆膏

水銀膏

雞子膏 黃連散

治小兒頭面身體生瘡諸方

漏蘆散

黃連散

吳茱萸散

胡粉散

黃蘗散

蕪荑散

雄黃散

胡粉膏

黃連散

大黃湯

苦參湯

黃連湯

黃連散

黑豆散

治小兒白禿瘡諸方

皂莢散

松脂膏

野葛膏

黑豆瀝

黃蘗散

治小兒髮不生諸方

黑豆膏 香薷煎 蔓菁子散

小兒藥證直訣

天南星散

大全本草

三因方

解顱治法

三辛散

是齋醫方

瑣碎錄

直指小兒方

解顱證治

地黃圓

朱氏集驗方

腮脛

磨風膏 搜風散

保童秘要

得效方

解顱

髮不生

菴菴圓 如聖黑膏

澹軒方

面上妳癬及生瘡

眉間煉銀瘡

頭瘡肥瘡疔瘡

解顱

肘後方

澹寮方

衛生寶鑑

黃連散 絳玉散 勝金散

拔粹方

解顱

生乾地黃散

頰赤

導赤散

眉煉

類聚

青金散

王氏集驗方

省翁活幼口議

永類鈴方

顛填證治

封顛散

髮遲證治

禾齋煎

經驗良方

醫林方

神效名方

黃連散

事林廣記

新效方

外科精義

壽域神方

衛生易簡方

金匱鈞玄

類聚

青金散

王氏集驗方

省翁活幼口議

永類鈴方

顛填證治

封顛散

髮遲證治

禾薺煎

經驗良方

醫林方

神效名方

黃連散

事林廣記

新效方

外科精義

壽域神方

衛生易簡方

金匱鈞玄

類聚

類聚

備預百要方

餘藥無名者故見本方

食治

鍼灸

頭面

巢氏病源

頭多蝨生瘡候

蝨者按九蟲論云蟻蟲多所變化亦變為蝨而小兒頭櫛沐不時則蝨生滋長偏多啣頭遂至生瘡瘡處蝨聚也謂之蝨窠然人體性自有偏多蝨者

頭髮黃候

足少陰為腎之經其血氣華於髮若血氣不

足則不能潤悅於髮故髮黃也

小兒藥證直訣

解顛生下而顛不合腎氣不成也長必少笑更有目白睛多眇白色瘦者多愁少喜也餘見腎虛

直指小兒方

顛陷證治

始因臟腑有熱渴引水漿致成泄利久則血氣虛弱不能上充腦髓故顛陷如坑不得平

滿狗頭骨灸黃為末雞子清調傅之

顛填證治

顛填者顛門腫起也脾主肌肉乳哺不常飢飽無度或寒或熱乘於脾家致使腑臟不調其氣上衝為之填脹顛突而高如物堆塚毛髮短黃自汗是爾若寒氣上衝則半鞣熱氣上衝則柔軟寒者溫之熱者涼之劑量重輕兼與調氣小兒肝盛風熱交攻亦然未易退瘥

治病百法

眉煉

夫小兒眉煉在面曰眉煉在耳曰轍耳在足曰靴癖此三者皆謬名也內經曰諸痛痒瘡瘍皆屬心火乃心大熱盛之致然也可用銇針刺之而出血一刺不愈當再刺之二刺則必愈矣

內經云血實者宜決之決者破其血也眉煉者不可用藥傅之其瘡多痒則必爬若藥入

眼則眼必損矣

甜瘡

夫小兒甜瘡久不愈者俗呼曰香瘡是也多於面部兩耳前有一法令母口中嚼白米成膏于臨臥塗之不過三五上則愈矣小兒并乳母皆忌鷄猪魚兔酒醋動風發熱之物如治甜指亦可

白禿瘡

夫小兒白禿瘡者俗呼爲鷄糞禿者是也可

用甜瓜蔓龍頭不以多少河水浸之壹宿以沙鍋熬取極苦汁癩去瓜蔓以文武慢火熬成如稀錫狀盛於磁器中可先剃頭去盡瘡痂死血出盡著河水洗淨却用熬下瓜蔓膏子膏水盪加半夏末二錢生薑自然汁壹兩匙拘膽壹枚同調不過三兩上立可大忌雞猪魚兔動風發之熱物

十形三寮

小兒面上赤腫

黃氏小兒面赤腫兩目不開戴人以銚鍼刺輕砭之除兩目尖外亂刺數十鍼出血三次乃愈此法人多不肯從必欲治病不可護千金方

治三日千金翼方小兒頭面瘡起身體大熱方

升麻 柴胡翼方去蘆石膏各六銖○翼甘草

翼方二當歸各十銖大黃翼方三兩黃芩八銖

右七味咬咀以水四升煮取二升分服日

三夜一翼方多煮量兒大小用之

小兒頭生小瘡浸淫疽癢黃膏出不生痂連年不瘥者亦名妬頭瘡以赤龍皮湯及天麻湯洗之內服漏蘆湯不宜傅飛鳥體散及黃連胡粉水銀膏散

方 藜蘆膏治小兒一切頭瘡久即疽癢不生痂

方

藜蘆 黃連 雄黃 黃芩 松脂各二兩

猪脂半斤礬石五兩

右七味為末煎令調和先以赤龍皮天麻

湯洗訖傅之赤龍皮鱗木皮是也

治小兒頭瘡經年不瘥方

松脂 苦參 黃連各一兩半 大黃 胡粉各一兩

黃芩 水銀各一兩 礬石半兩 蛇床子八兩

銖

右九味為末以臘月猪脂和研水銀不見傅之

又方取屋塵末和油瓶下滓以皂莢湯洗傅

之

又方取大蟲脂傅之亦治白禿大令本草消

四度
塗之

又方髮中生瘡頂白者皆以熊白傅之

治小兒頭瘡方

胡粉壹兩黃連二兩

右二味為末洗瘡去痂拭乾傅之即瘥更

發如前傅之千金翼方此下
云亦治陰瘡

又方胡粉壹兩連翹各一兩水銀半兩

右三味以水煎連翹內胡粉水銀和調傅之

又方白松脂各二兩胡粉各二兩水銀壹兩猪脂四兩

右四味合煎去滓內水銀粉調傅之大人

患同千金翼方同

苦參湯洗小兒頭瘡方

苦參 黃芩 黃連 黃蘗 甘草 大

黃 芎藭各壹兩 蒺藜子三合

右八味咬咀以水六升煮取三升漬布搨

瘡上日數過

治小兒頭上惡毒腫瘡諸瘡方男子尿尖
燒灰和臘月猪脂先以酢泔清淨洗拭
傅之

治小兒禿頭瘡方取雄雞屎陳醬汁苦酒和
以洗瘡了傅之千金翼方三五遍差○聖惠方以雄

雞糞白細研以陳醬汁調塗之

又方芫花臘月猪脂和如泥洗去痂傅之日
一度千金翼治白禿○聖惠方用芫花搗

末以臘月猪脂和塗之

治小兒頭禿瘡方葶藶子細末先洗傅之○

聖惠方以苦葶藶子微炒壽如膏傅之

又方不中水蕪菁葉燒作灰和猪脂傅之

治小兒頭禿瘡無髮苦癢方

野葛末 猪脂 羊脂各壹兩

右三味合煎令消待冷以傅之不過三上

千金翼方同

治少小頭不生髮一物楸葉方楸葉千金翼方此下

有中擣取汁傅頭上立生

治小兒頭不生髮方燒鯽魚灰末以醬汁和

傅之千金翼方同

治小兒頭面瘡疥方麻子五升為末以水和

絞取汁與蜜和傅之若有白犬膽傅之大

佳

治小兒解顱方熬蛻蛇皮為末和猪頰車中

髓傅頂上日三四度三因方得効方經驗良方此下云曾有人

作頭巾裏遮護之久○聖惠方蛇蛻皮兩壹

燒灰猪頰骨中髓壹分右件藥調為膏塗於

顱上日二塗之神巧萬全方同

又方猪牙頰車髓傅顱上瘡

治小兒腦長解顱不合羸瘦色黃至四五歲

不能行半夏熨方

半夏各壹升生薑各壹升芎藭各壹升細辛兩桂心尺壹

烏頭十枚

右六味咬咀以醇苦酒五升漬之晬時煮三沸絞去滓以絲壹片浸藥中適寒溫以

熨顛上冷更溫之復熨如前朝暮各三四熨乃止二十日可愈

治小兒解顛用生蟹足傅方

生蟹足衛生易簡方白欽各半

右二味搗末以乳汁和傅顛上立愈肘後方

又○聖惠方治小兒腦解不合方生蟹足

胛半兩白欽半兩○王氏樂搗細羅為散用

乳汁和塗顛上集驗方貼骨縫

治小兒解顛細辛傅方

細辛 桂心各半乾薑十八銖○肘

右三味為末以乳汁和傅顛上乾復傅之

兒面赤即愈○聖惠方細辛一分桂心一分乾

薑三分右件藥搗細羅為散以乳汁和塗

顛上日二塗之

治小兒顛開不合方聖惠方名

防風一兩半○聖惠方防風散栝子人 白及各壹

千金方牛兩

右三味為末以乳和傅顛上聖惠方塗頭

日一十日知二十日愈

又方取猪牙車骨煎取髓傅額上愈

千金翼方

苦參湯主小兒頭面熱瘡方

苦參八兩大黃參兩蛇牀子壹斤芍藥參兩黃芩貳兩

黃蘗五兩黃連參兩菝葜一斤

右三味切以水叁斗煮取一斗半洗之日

三度大良千金翼方云下偏身生瘡

又方大黃 黃芩 黃蘗 澤蘭 礬石

石南各壹兩戎塩貳兩蛇牀子叁斤

右八味切以小七升煮取三升以絮內湯

中洗拭之日三度

又方熬豉令黃末之以傅瘡上不過三度愈

治小兒身體頭面悉生瘡方

取榆白皮灼令燥下篩酢和塗縣覆上蟲

出自差

醫方類聚

卷之二十四十一

醫方類聚卷之二十四十一

醫方類聚